

棲霞縣志卷九

棲霞縣知縣龍門衛 其纂

藝文上

典籍

聖諭廣訓二部

學政全書一部

明史一部

御纂通鑑綱目三編壹部

御纂周易折中二部

棲霞縣志

卷九

欽定書經傳說彙纂二部

欽定詩經傳說彙纂二部

欽定春秋傳說彙纂二部

御纂性理精義二部



旌表節孝疏

禮科給

事中

奏爲節孝關平風教。旌表不宜廢弛。請祈

勅部通飭。勵習尚以昭德化事。從古帝王。有刑罰以懲惡。卽有賞以勸善。欲胥天下臣民。使之相勸而善。以幾化行而俗美。旌表節孝一款。載在學政條約。正風化攸繫。甚鉅典耳。明季教化不行。欺詐相尚。真孝真節。不見旌表。而所旌所表。未必節孝。冒濫賄營。恬不知恥。無怪乎風俗之日偷。而人心之日卽於僞也。我朝用人行政。莫不責其實。而旌孝表節。更不欲循其名。如禮部旌表一疏。奉

棲霞縣志

卷九

二

旨。撤木哈妻哈禮。不必給銀。令其自行建坊。着部與建立。亦不必致祭。著於墓前。酌量立碑。其牌坊碑上。將伊求免叔死盡節。及奉旨旌表情由。書寫刊刻。欽此。仰見

皇上崇尚節孝之至意矣。夫一鄉一國。必有善士。天下之大。豈無懿行。近見浙湖各處。學臣三年報滿。概將節孝。全不舉行。是將天下男婦之美德。埋沒無聞。而使

皇上德禮之雅化。扞格不彰。身任名教。罪也奚辭。臣備員禮垣。職掌所關。誼難緘默。敢請

勅下禮部。通飭各學臣。二年之內。務將通省節孝。歷過事蹟。親



薦賢。勿隱貧愚。勿徇賄囑。勿止憑士民之公舉。勿徒據州縣之  
申呈。詳查真確。寧嚴勿濫。申報督撫。核實具題。部臣覆核。題請  
旌表。將見旌一孝而人人興孝。表一節而人人厲節。於以鼓人  
心而勵風化。所裨匪淺鮮也。如果臣言不謬。伏冀

皇上勅部。詳議施行。康熙

年

### 變通銓法疏

題爲鈇法壅滯已極。變通必不可緩事。惟天下事。無不變遷。而  
無權。有因不能無革。法有經久而無弊者。則因之便。例有更定  
而難行者。則革之尤便。如今日之銓法。臣不能無言焉。順治十

棲霞縣志

卷九

三

八年六月以前。大選各官於年分供郊中。以榜案次第爲前後。  
遇缺分行。截取前後。不得攙越。按期赴部。無淹滯久候之苦。法  
未嘗不善。自在籍候。憑之議行。則地方缺官。後變爲人文到部  
之例。而仕途愈壅矣。揆其故。一由赴部違限革職。則前者懼其  
落後。而不敢不來。一由因到部掣空籤。則後者與其趨前。而不  
日不來。前後俱到。壅積京師。房至二兩一聞。積五廿六百。人  
多缺少。守候無期。如歲前十二月。大選知縣。止選一人。兩候選  
百五百餘人。各行共計。不下數千人。欲去不敢。欲留不能。致有  
爲人僱工者。有沽門乞食者。有詣無叩。叩者。有次候寫劄者。



命之榮。死徒爲他鄉之鬼。深堪憫惜。即間得一官。而  
銳氣盡挫。負債不貲。欲其身到地方。潔已愛民。詎可得乎。臣請事  
違限之例。并易空籤之法。一應事例。俱照順治十八年六月以  
前行。俾年次居前者。在京候選。年次居後者。暫行回籍。一  
朝而壅滯可通矣。臣更有請者。科道監同掣籤。原期糾察。誤  
今同列御名。均任是非。遇有弊誤。勢必畏罪緘口。亦於銓法有  
碍。似應仍照舊行。臣言如果可採。統祈  
勅部議覆施行。

建廟學記

金李純甫

豈之棲霞。瀕海之墟。阜昌初。雉荆榛而縣焉。地屬齊。有秦漢之  
遺風。故其人尚鬼道。近世又以丘劉之說行。蜂團蟻結。雲鼓波  
房。駕飛甍。連巨棟。塗金鏤碧。其費不貲。益與紫微之宮。洞陽之  
殿相兄弟。羽衣緇冠之黨。遐想蓬萊方丈。隱隱在目睫間。亦天  
下之奇觀也。獨章甫。縫掖之士。呻吟於華門。寔牖之下。茫無歸  
宿之地。絃歌之音。聞而寂然。則素王之道。幾何其不胥而爲黃  
冠之所淄耶。卽今天子嗣位之元年。有縣宰李公景道。故河東  
府君景韓之季也。下車將祀先師。吏曰無廟。當奠牲帛於廳事。  
公大愕。經營之志。自然帶於胸次矣。會士庶以興學請公。次



許之。第以城邑窘隘。未拓其址。一日巡檢魏伯。雄牒來廨。西有隙地。請舍諸公。解於州太史木甲公曰可。主簿趙守真。尉蒲察張竒。實贊成之。各捐廩粟以助。費不徒而役不賦。而征陶者瓦。斲者斤。鍛者火。丁丁薨薨。版土既封。殿於其中。翼以列廡。繚以崇墉。厨以西齋於東。辰在舍而載。少西流而畢。輪焉奐焉。沉沉乎新宮矣。繪塑之功。曲盡其巧。俎豆之器。一鼓而成。自是扼腕之方士。知仁義之學。垂髻之小兒。有揖讓之風。其袞衣博帶者。將峩峩而來。洋洋乎聞雅頌之聲。於落成之際。會公被檄有京師之行。屬其同年交李純甫志。純甫牢辭不可。遂折簡於棲霞。

之士。曰儒者之言。與方士之說。不兩立久矣。請以近喻諸君。嘗見夫海乎。汪洋澄滄。浩無涯涘。際空如碧。白波不興。魚龍鴻洞。不水其水。此儒者之所謂日用而不知者。隱然而風雷震。劃然而蛟龍鳴。非不砰轟可喜。大抵素隱行怪。君子不爲。彼方士之所慕。吾儒之所羞也。山東賢士大夫觀水於其澗。必有能辨之者。他日魁閎傑異之才。飄然凌雲志氣。穿天心。出月脇。騎蟾蜍。斧桂樹。通籍金馬。待詔玉堂。登瀛洲而先去。視方士之言。如掃風逐影。將一洗而空之。庶幾不負吾兒之意。則吾言尤信。



樓霞初未始有城。壘土而域。迨嘉靖戊午。倭寇泛海。士民阜悸。邑侯李公剏焉。雉以石。堞以磚。圍四百三十六丈。高二丈八尺。若圖其家政。期爲不可搖之業。然內附未完。公以事去。嗣是惟補葺已爾。越萬丁丑。登倅宋公。視篆閱月。城樓窩舖。翼翼山峙矣。緒令鮑公。單車隨至。乃按行嘆曰。城無內附。竊思其復於隍也已。遂命工伐石。役用舊編。料用罰鍰。高圍石壘。咸如外城。幕陳公董之。戊寅二月事竣。堅厚墻廣。直與翠屏白洋。映帶而紫迥。且縣治前居民擁迫。不異面牆。公捐俸易之。開街一衢。樹

感厥功偉矣。可畏我已耶。諸鄉彥及林生彥。郝生靖。王生之垣。等懇余訂。余惟洛邑之營。始之召公。使攻位而五日位成。成之周公。命殷庶而殷庶丕作。何者。民之攸暨。悅之真也。茲城也。李公首事於創始。宋公續事於暫署。鮑公成事於初蒞。而民心後先如一。豈偶然哉。李公之遺愛長遠矣。宋公在壘之化。藹若春膏。而鮑公理諸公之緒。枚枚秩秩。惠無糝政。嚴無峻刑。上下融融。安堵庶幾哉。周召誠成保民之意乎。由斯地利人和。相爲固結。後之循良。必迥然動悅民之思。而霞城太平。百千萬億無窮極。公其孚先之績哉。時相鮑公以治者。則縣丞黃公。主簿李公。



敬併書之。以垂不朽。宋公諱守益。長治人。李公諱揆。銅梁人。鮑公諱霖。青陽人。黃公諱茂。悌儀真人。李公諱蒙。訓河曲人。陳公諱法。合肥人。

重修廟學記

明登州衛進士戶部主事 吳國相

李侯領聖天子休命。出宰棲霞。是邑也。窮天之際。極海之濱。土壤斥於山麓。民物習於桀鰲。地之僻而習之陋也。莫是爲最。李侯大有懼色。君子慰之曰。道之行也。不以地之僻而自阻也。不以風之陋而自墮也。存乎其自新而已耳。李侯至邑。博稽政典。果愜前聞。作而嘆曰。斯民也。三代之遺也。可如是乎。越三日。

棲霞縣志

卷九

七

禮孔廟。見其宮。嚮圯蕪。齋宇淪廢。器數淆雜。衢巷蔽翳。作而嘆曰。治之敝也。其在是乎。其教化之無地。而俊父之未儲乎。蒞政之初。百務不遑。首舉斯典。懇懇以作新文教爲已任。掄材勸工。稽程考費。三月之後。百度告成。煥然明備。不復向昔之陋矣。且故隆敬一亭於後端。尊時制也。建啟聖殿於左掖。崇先德也。正名宦於東祠。景前哲也。齒鄉賢於西楹。敦文獻也。考禮樂之聖。糾廩餼之頌。時講誦之期。懲游好之習。優徭賦之差。鼓振勵之氣。一時士類。反薄歸厚。熙熙然三代之英也。斐然成章矣。於時。民之治。其知重本歟。事竣。師儒徵記於相。相不敏。敢不闕。







邑按天文危分野。春秋牟子國所屬也。漢隴地。唐宋爲淘金所。金始設爲縣。上下四五百年來。人才不數出。通仕籍者。率多僂蹇無能。竟其志且不一再傳。頓歸銷歇。卽間有素封之家。鮮衣怒馬。炫耀一時。未幾冷落隨之。至貧窶者。則日在蕭瑟中。毫無生趣。堪輿家每言水法未善。余弗以爲然。癸亥秋。與江右桂林熊君。遊艾山。登眺群峰。乃知縣龍自馬達口始南分焉。逶迤鄣落莊。以通靈山。鼎峙於邑之東。揮雲蔽日。隱隱若有靈氣呵護。又復轉首西南。再折而北。以長龍結爲縣治。雖延袤五六十里。而水之隨龍繞縣。不過六七里十數里而止。迨奔溢於海。則任

樓霞縣志

卷九

天

其傾瀆。莫爲砥柱。議於邑西北建廟未果。丙寅歲李公來令。是也。登陴後。屬耆老而告之曰。邑盤龍也。水法散漫。不補救。匪獨弗利於邑。卽官斯地者。將亦戛戛乎難之。余遂以建廟請公。忻然僭卜其地。卽如前之所議者。鳩工庀材。且捐俸以爲邑人倡。因是建關聖帝君廟。楹厥位惟坎。厥向惟離。厥鎮惟乾。廟貌巍峩。非獨以崇禮祀。走香火。而一邑之風氣。實嘉賴之矣。溯始於天啟丙寅春三月。落成於丁卯秋九月。李公諱廸。字吉所。楚之麻城人也。是爲記。

重修明倫堂記

牟國瓚



人道之常存。存以倫也。人倫之常明。明以學也。古先王設學而  
號其堂曰明倫。蓋以扶綱常維名教之在乎此也。堂亦重矣哉。  
我棲自

清定鼎以來。學宮屢修矣。而明倫堂如故。荏苒歲久。將就圯。多  
士憂之。邑侯鄭公慨然。捐俸屬司鐸朱宋兩先生督修焉。兩生  
生盡心董理。不月而告成。多士請記。以傳不朽。余曰。誠可傳也。  
方今

朝廷重道右文。重新闕里廟貌。客歲又增修太學。凡爲人倫風化  
計者。有加而無已。宜有司之奉行無替也。而公能加意修葺。不

棲霞縣志

卷九

九

客捐貲。以仰副

聖天子作人雅意。可謂識先務矣。如是則公將以堂傳。然堂非虛  
設也。孟子曰。人倫明於上。小民親於下。王制曰。順先王詩書禮  
樂以造士。賈誼曰。移風易俗。使天下回心而嚮道。類非俗使之  
所能爲也。故子游宰武城。比戶絃歌。王阜令香泉。泮宮鸞集。范  
甯令餘杭。興學校。養生徒。期年教化大行之。三賢者。當代頌之。  
奕葉稱之。並其地亦永壽天壤。何其榮也。後之君子。非不心羨之。  
顧皇皇簿書錢穀。是急而不暇及。夫是故堂。雖依然乎。而絃歌  
之響矣。公甫下車。卽以斯文爲念。召諸生親試之。拔其尤者。登



實之。剛又頻行考課。政事暇。又數與之酌酒論文。如家人歡。士以此爭自奮。則今日復修講堂。正本平日造士之實心爲之。古衰牧之休風。其猶未邈乎。於是講堂又將以公傳。雖然公之意。學惟是傳後已乎。堂以倫建也。願名以義。炳若日星也。願自今。聚斯堂者。敦倫修行。勉立忠孝大節。爲民倡。坐斯堂者。宣明倫理。朝考夕儆。令士勿荒於嬉。以順公教。其後之鳴琴斯土者。登斯堂而興思焉。以法律爲輕。禮教爲重。權科爲後。作養爲先。亦當踵而行之。俾宮墻之色丕煥。絃誦之聲弗衰。庶使治師訓士。習民風。交相砥礪。以進於古。則人倫可常明。而人道其永賴矣乎。是爲記。公諱占春。字梅村。福建福清人。教諭朱君友。韓沂州人。訓導宋君其仁。金州衛人。

義學碑記

邑拔貢生 李任

樹穀必於田。樹人必於學。古者黨有庠。術有序。幼子十年就外。傳十三學。樂誦詩舞勺。成童舞象。教之循循有成法。長則出負耒。入橫經。故人才日盛。詩曰。成人有德。小子有造。蓋以此也。三代後。郡縣設學。而鄉學未聞焉。民間子弟。雖有俊秀。茂知詩。幾何而不以愚頑終也。於是衷司牧爲設館。以補鄉學之缺。名之曰義學。以襄文治。以育人才。德莫厚焉。然而行之者。殊鮮其



曰此無益事。何與我考成。可謂是爲無益。必將以逢迎科歛。爲有益。幾何而不以苛刻逞也。此甘棠之愛。所由與菁莪之化。俱泯也。方今

天子在上。興學右文。大化翔洽。海內靡不向風。而所在奉行。德能以實心行實政者。惟我邑侯鄭公爲最。公閩中名宿。秉鐸臺灣。榮擢而蒞茲土。下車以來。革陋規。除私派。恤荒而澤及飛鴻。編審而恩流比屋。事事以休養斯民爲念。其於士也。則德行。者優禮之。能文者甄拔之。又不時課藝。不時招飲。以提撕之。貧者或資以金粟。周恤不一而足。被其教者。咸感且激。烝烝期

棲霞縣志

卷九

十一

良士。隣境亦多聞風而來。備卷隨考。思得公一言之褒爲榮。士風之丕變。從此可卜矣。詩之頌君子也。曰豈曰弟。豈以強教之。弟以悅安之。如此而後。謂民之父母公。庶其無忝矣乎。又念里巷窮民。力不能延師以教其子。若弟多不免廢棄。乃擇西關隙地。創建學舍。甫鳩工。適有省檄。召公辦差。趣就道。乃命邑尉督修。剋期視成。公旋羅城中總角。並遠近願來學者。於其中而選師爲之訓焉。一切皆公捐俸自爲之。事竣。屬予爲記。以勒石。予思棲之絃歌寢衰也久矣。士荒於嬉。無課之者。課之自公始。明倫堂敝且傾。無修之者。修之自公始。邑闕義學。無設之者。設之



又自公始。何公之雅意樹人。爲

朝廷廣德造之化者。如此其殷殷無已耶。昔子產之相鄭也。殖田疇。教子弟。仲尼稱之曰惠。卓茂之宰密。力行教化。漢帝褒之封爲侯。他若翁仲通。令武平買地建學以教民。而家絃戶誦。壽安尹玉山創立書院。及貢奎之爲義塾。以待四方學者。而名皆焜耀史冊。以公方之。何多讓焉。余故喜而誌之。以見公之有造於後者大也。而况既修以後。有舉莫廢。後之人必將慕而效之。儆而行之。而公之澤且歷萬世無疆。則斯學也。雖謂與甘棠比烈也亦宜。

棲霞縣志

三

悅心亭記

前人

人情莫不有悅。悅乎內。悅乎外。皆悅也。然在外之悅。得之則欣。失之則戚。雖高爵厚祿。榮耀一時。而究於我乎無與。非真悅也。在內之悅。大行不加。窮居不損。雖遭逢靡定。夷險殊途。而一有所累於其心。乃真悅也。真悅未可以矯而致。在乎人之自得耳。重季車先生令南宮。歸年尚壯。都門故人。多勸之復出。先生應曰。吾所悅不在是。吾將以丘壑老矣。宅東隅有園。就其地鑿一亭。與南山對。草色嵐光。時時在目。先生悅之。亭之前鑿一池。泉甘冽。可烹茗。中畜金魚十餘尾。常游泳水面上。先生悅之。



心過圍砌磚。爲檻。檻上置梅蘭二三盆。檻下栽竹一叢。菊數本。風晨月夕。竹影花香。清幽可愛。先生悅之。因名其亭曰悅心亭。悅心云者。悅在內而不在外也。亭上有古史數卷。常評點之。倦則焚香靜坐。或與子侄講學論文。所接見者。二三知己外無多客。官衙拜公事不一至。歷寒暑晦明。無日不在亭。有所悅故也。先生負公輔之才。宰一邑未竟所施。人謂先生必鬱鬱不樂。而先生怡然自悅如是。非矯也。先生爲令廉明仁厚。去之日泣送者數百人。爲立碑。爲建祠。先生之名成矣。云胡不悅。家居差足自給。又多賢子弟。或溫醇而秀雅。或磊落而英多。冠帶雍容。聚樓霞縣志 卷九

樂一堂。先生之情適矣。云胡不悅。憶先生解綬時。寄書於其侄中翰君。曰。吾罷官。覺味淡而旨。噫。非實有所得。亦烏知淡之中有旨也。繹斯言。可以知先生之心矣。古之名賢告休。多以酒爲悅。棗里香山皆然。先生不甚好酒。而無乎不悅。悅山悅水悅雪。悅月悅棋悅琴悅花竹悅游魚鳴鳥。人知此先生之所悅。亭內皆有之。而不知皆先生之悅之寄。而非先生之真悅也。先生之真悅。維義理耳。孟子曰。理義之悅我心。猶芻豢之悅我口。此性分之悅。人心所自有。而陷溺者不知也。閔子曰。入聞王道則出見龍旂又樂之。此性分之悅。身爲紛華所間。必厭欲。



乃得有芻豢之色也。先生得之矣。惟所得常足於中。故不假戚於外。不假欣戚於外。故能知足。能知足。故墨綬不以爲輕。山田不以爲薄。歸休不以爲寂。陶陶乎無往而不悅也。與世之役情富貴。而戚戚焉終其身者。相去何如哉。予與先生爲心交。知先生之悅之真。而慨世之能有此悅者少也。爰爲之記。

通許令林公傳

監察御史 牟恒

公諱璠。字崑璧。其先莆田人。宋時籍棲霞。代遠不可考。考自公八世祖瑄始。七世祖茂明。景泰間。傾囷賑飢。奉勅建坊以旌。六世祖恂。以孝廉歷官鶴慶守。卒祀鄉賢。天水胡公纘宗表其墓。

棲霞縣志

卷九

古

五世祖翰。鄉內黃丞。高祖祖武。曾祖述古。祖勝會。庭訓書香。世有令德。至公之父。連城公履祥。以里選考。授別駕。子三。公其仲也。母郇姪。十二月而生。孩提舉止異常。兒稍長。就傅。卽嗜學。能文。年十五。于逆變作。闔邑遭冤獄。公亦在縲紲中。誦讀不輟。時被逮。多有道君子。執經問公字者。三年如一日。冤甫白。而連城公謁選。卒於邸。公閔家不造。勗兄弟小心集木。善事寡母。篝燈下帷。益肆力於學。旣冠。補博士弟子員。試輒冠軍。居家以孝友仁讓爲主。本胞叔某蕩厥產。贖負郭田二頃。復出鬻。公重其價。書券契。而仍以田歸之。厥子孫利賴。卒能有其業。人皆知公。



善處骨肉也。文章妙當世。願數奇。不利棘闈。以明經入仕。錫三  
任司鐸。所至修學宮。端師範。不言修脯。以道義文章。鼓勵人材。  
經公物色者。皆有成就。去則多士。臚條教於石。以垂不朽。後遷  
通議令。既受事。前令虧空壘壘。上官強公受代。公不肯。曰。令不  
能剝民以償也。催科不事敲朴。訟者令自拘。片言剖決。案無留  
牘。商供應。故有成規。一切罷之。給值與平民等。邑有河久堙。  
水至則害稼。公濬之。傍河無水患。例禁私鹽。唯貧民挑負易米  
者。不在禁內。向概苛之。公特豁以便民。官辦漕米多羨餘。實爲  
民累。公陰以數百金請免。通人尚不知所以。一吏請移牙行隱

請赦。可得數百金。公怒曰。導利殃民。率由若輩。命杖之。叩頭  
流血乃免。邑紳某以僕犯盜。乞爲門下士。冀免株連。公正色曰。  
之賄賂別名。吾焉可以貨取耶。其爲政廉介清嚴類如此。上官  
稱爲循良第一。將於計典薦以資淺不果。癸巳。覃恩贈及者。  
魏公。曰。吾願足矣。亟請歸。百姓追送數百里外。公歸而下築山  
舍。掃墓焚香。以吟嘯自適。與兄。璧公斗酒言歡。無虛日。逢故  
於山水間。輒談笑忘歸。時進子若孫。教以讀書積善。無墜先  
。七十有四卒。囊無餘資。遺產諸子。裁足衣食。初至通許。有  
不把多財損後賢之句。終如其志云。配韓氏。性至孝。母鄒大。



人。菴愴。食飲寒煖。多不能自明。韓悉意體察。務得歡心。子三。甚謹。能文。長仲愚拔貢。次仲恣廩生。次仲懋辛郊亞元。一女適福山。廩貢鹿壽祺。

贈君麟仲牟公傳

長洲 韓 莢

先生牟公。名作孚。字信萬。登州棲霞人。初名國璞。字含輝。爲邑名諸生。以 覃恩贈徵仕郎。內閣中書舍人。父鏗。男八人。先生則其仲子也。甫弱冠。父母俱卒。日夜哭泣。自力於成。而推以勗其諸弟。常先其伯兄。時季弟未入縣學。痛親之愛憐。少子之意。嘗擬親命以命已。曰我父母若曰。辛卯歲。爾母棄爾輩去。逾年爾

父又棄爾輩。不得見成立。爾父母遺憾多也。爾弟幼。惟爾輩是依。有能抑其驕。制其矜。教以義。帥以正。鼓舞以作其勤。撻記以戒其惰。是惕其心者也。戚也。有緘其口。藏其舌。誘以淫佚。倡以邪說。待之如賓。加之以貌。是怠其心者也。疎也。爾尚念茲。其日誦勿忘。又擬親命以命其弟曰。我父母若曰。爾幼。惟爾諸兄是依。爾諸兄有抑爾驕。制爾矜。教爾義。帥爾正。鼓舞以作爾勤。撻記以懲爾惰。是戚爾也。爾其敬而從之。苟反。是是疎爾也。爾其相以商之。爾尚念茲。其日誦勿忘。伯兄國玠亦賢者也。約其義。而爲詩曰。人有自行。孝爲之首。親其往矣。孝乃在友。幼弟無代。



我之咎。先訓如在。銘心誦口。又曰。人有百行。孝爲之首。親其  
往矣。志昌厥後。身爲白丁。云胡不恂。先訓如在。銘心誦口。今進  
士中書舍人。恒者先生子也。先生常條其命。見者曰。體親心。勿  
致疾。亟讀書。時努力。敬爾諸父。與諸母。友爾兄弟。以及於爾妹  
若姊。爾爲夫。夫以刑于婦。婦均平。爾慈及臧婢。事罔小大。知儉  
知勤。可長久。又條其命。婦者曰。爾毋自請其所須。必謀諸小姑。  
無暱於而家。以從其夫。上堂省姑。日惟四脫。有誚讓。色以愉。無  
蓄私財。事無專。揚聲勿高。言無誣。日侍姑側。亦無戲以渝。見私  
親語。勿絮而夫。是俱先生之教如此。棲霞人稱牟氏家法云。嗟

夫。敎家之難也。往往功名震世。才氣發聞。而揆諸家人反身之  
義。玷闕者衆也。先生篤於知本矣。如其訓也。可以風世。先生於  
世好泊如。獨勇於爲義。其鄉之利病。不啻如其在已。嘗爲縣言  
過撥地糧之害。過撥者始縣四十六社錢糧。俱在本社。數頗均  
而催征便。自過撥法行。田與籍貿亂。稅多寡不均。或社東而催  
征於西。役煩民苦。又言縣熟地歇地之別。熟地者歲耕不歇。計  
畝而征。歇地者山坡川澤。或歇一年二年而一種。向逢丈量不  
在丈限。乞仍舊貫。由過撥之說。則經界之所以當正也。由歇地  
之說。則一易再易之所以當差也。豈獨一縣爲然哉。故并書之。



是為九司牧者告。且以待後日史氏之有考焉。

牟侍御傳

棲霞縣 衛 莒  
知縣

公諱恒。字聖基。先世公安人。自九世祖敬祖公官榷。回家焉。敬祖公有德于棲。子孫發祥。世濟其美。至公為名御史。父作孚以理學祀于鄉公。少穎異。工文章。十五補博士弟子員。康熙庚午鄉荐。甲戌成進士。當是時。怙恃俱失。獨弱妹一人。公對之必泣。適人後尚為置產。教兩甥成立。初任中書。歷戶禮二部郎。監督寶泉局。局故利藪。同官多誑吏。議公獨以清白蒙 帝眷特賜周易孝經。旋擢監察御史。公每讀書。見古名臣諫奏興除事。輒

棲霞縣志

卷九

慷慨動顏色。必見諸行事。時有鄉先達某司空者。將私請于公。先以數百金為壽。公力却之。遂杜其口。至人有冤抑。必抗章力救。一太守謁選在京。人誣其不潔。同邑孫某。或誣以窩留。東人將擬遣戍。皆以公救得免。比巡視南城。杖優人之交結權貴者。而遠逐之。一時豪橫斂手。於是聲望赫然。無大小賢否。皆知有牟御史。奉 命監視錢局。局各有所謂工頭者。多私積。服餽。後。公嚴飭禁之。其人嘗持貂裘數踵門不敢獻。終公任無僭踰者。一日侍班。

至相嘉之曰。真誠不欺。尋致仕歸。開家塾。親課諸弟子。侄于學。



其家孝友科第之盛。爲郡邑冠。皆公之教也。當公爲御史也。被紫衣繡。而裏著必以布。曰先君子自奉儉約。終身不衣帛。余小子不敢忘也。其立朝有年。章奏恒日數上。多見嘉納。今求其隻字不可得。問諸耆年。嘗與公遊者。則焚之矣。嗚乎難哉。以雍正丙午卒於家。年六十有九。

### 式九李公傳

前人

余至棲考人物。僉曰數十年來。以文學沾溉後進。未有如式九先生者。因索家傳。公姓李氏。名任。字式九。性穎異。書過目輒成誦。自經史百家下。及醫卜之書。無不涉。涉則必精。然學先躬

行。敦孝弟。與人坦率。而尤以立誠主靜爲宗。嘗顏其齋曰思慮。意可知也。體孱瘠。似不勝衣。乃危坐彌日。無惰容。久與處者。亦未嘗見其疾言遽色也。從遊之士甚衆。日與闡濂洛奧旨。及辨朱陸同異。最悉。爲詩及古文詞。率不起草。掇筆立就。門下弟子。多以明經上第顯當世。而公六上棘闈。皆病不終場。及一竣。卽被薦。仍摘兩字不錄。其功名坎坷如此。以故抱負不獲見於世。以拔貢終。然公有以自樂。意泊如也。小試常冠軍。又一見知於撫軍。桑大中丞。拔爲通省第一。卒亦未薦于朝。而公亦無一字相干。晚年益肆力著述。以道德文章。爲多士楷模。康熙癸巳卒。壽



七十有二。朱輝珏太史銘之曰。文章宗匠。禮樂淵源。蓋實錄也。所著四書講義。麟經指掌。及閑居詩集。俱藏于家。孫鍾淑清介士也。能讀公書。吾見家學之未艾云。

貴東道再熙李公傳

文登人 于其珣

李公日更。字皆仰。號再熙。棲霞給諫李公唐裔第四子也。性敏而剛直。總用時授書如逢故物。試以事剖決。悉當。給諫公深器重之。始尹時年十三。弱冠而侍御君歿。公哀毀踰禮。撫幼弟友愛倍篤。癸酉以經元舉於鄉。嗣丁內艱。丙戌服闋。提南宮。讀書中秘。己丑以農民苦行詩稱。

棲霞縣志

卷九

三

聖祖旨擢檢討。壬辰分校禮闈。取華覲光等十人。悉海內名士。得人。在翰苑八載。屢蒙詔賜。尋乞歸。居鄉多善行。人比之。馬居維云。今

上初卽位。特旨召見。雍正二年。授貴東糧驛道。欽賜摺本藥餌等物。以寵其行。並諭通省利弊。官方賢否。不時

奏聞。屢遇之隆。近罕有也。公之任。以釐奸剔弊。爲急務。先是黔省驛站。每歲有羨餘銀壹千玖百餘兩。公悉解司以佐國用。例補銀歲幾貳萬兩。舊多濡染。公全給之倉儲。徵收多違成憲。公廉其實。懲舞弊者。而彈劾其侵墨。自是宿弊悉除。在黔三年。



門無私謁。嘗却夜餽之金。曰：天地神明，其可欺乎？有米折餉銀，  
收支平允。黔民著爲歌謠，以傳其惠。廣順州屬長寨者貢，同節  
焦山，以及羊城屯可十餘處，其地皆仲苗散布，強悍無人理。嘗  
糾黨剽掠，取人財物。總制請改大定爲協，移武員領健卒五百  
以資彈壓。而仲苗抗拒不受，理論之弗聽。遂調兵五千人軍於  
宗角以擊之。已而諸苗聽命，惟長寨者貢未下。偶值連雨，統師  
某進勦不力。公時督餉，卽摺奏之。自是諸將悉勇於戰。仲苗伏  
辜，黔民以安。公之力也。雍正四年，黔地旱荒，死者杜望，而當道  
罔不以聞。公獨飭守令減糶，以濟民食。次年飢甚，廩已空，而民  
棲震縣志

卷九

三

愈困。公乃上書發其事，得奉嚴旨，切責諸當道，而解澤以沛。公  
之忠直惠愛類如此。屬吏乾沒者叅揭，循良者薦擢。生平清慎  
恪恭，每有奏牘，輒見褒俞。後以病乞休，猶奉 旨留京，賜醫藥  
。迨久不愈，乃賜歸。數年以壽終。余官遊多與公偕，且姻好也。  
故次其平生而述之，以傳於世云。

鎮平令林公傳

蓬萊人翰  
林庶常 叢中芷

公諱靖唐，字時若。先世自閩宦於棲，遂家焉。傳公父天培，號長  
者，生五男，公其季也。爲人頎，貌修髯，風神閒雅，以拔貢。雍正已  
酉，知河南之鎮平。生平孝友性成，衣樂過人。早孤，常以不得事



父爲恨。展墓必涕泣。事母呂盡孝。呂中年病瘖。飲食起居。不  
明。公先意揣旨。卽不得則引咎號泣。至廢食寢。友愛諸兄。修餼  
俸廉之入。悉與公之無私橐。其任鎮平也。厲清操。絕請託。與民  
相見。多勸之孝弟力田。欸欸如家人語。有田而耕。無力者爲易  
牛助之。前後約費數百金。喜賜農夫酒。稅駕所至。父老或亦以  
村醪獻。公爲受飲。坦然相忘。不知其爲官也。折獄明斷。尤力驅  
萑苻。在鎮二年。路不拾遺。至邑有興修。悉捐俸不以擾民。民  
德之。上官採民譽。將以公名列上考。入告。而遭疾不起。百姓  
哭喪歸。至壅道不得行。其感人如此。公嗣君以諒爲子。妹丈。故  
樓霞縣志

卷九

三

知公莫如子。聊述梗概。用以式我鄉人。而且慰鎮民之思。非阿  
好也。

烈婦柳氏傳

邑人 李唐裔

柳烈婦者。本縣白馬社柳長生之女。邑生員高朝舉次男。庠生  
高灝之繼妻也。灝初娶程氏。生子甫五歲而程卒。繼聘柳氏。氏  
幼孤。撫養於外祖生員馬徽祚家。貞慤性成。能曉大義。十六歲  
歸灝。爲繼室。灝有痼疾。柳侍湯藥。久無懈色。微見不悅。則和顏  
受笞。以釋其怒。灝且死。曰。我病久。良苦汝。異日他適。幸無怨。柳  
曰。夫婦同體。德怨安從生。君善保重。勿以妾爲念。妾志已定。惟



不能爲君養幼子耳。漸默然。未幾而氣絕。柳辦理棺殮。至痛無  
淚。遂於夫歿之第三日。縊於柩側。嫁九月。侍病八月。年十七。君  
子謂柳氏潔正誠信。果於就義。詩曰德音莫違。及爾同死。柳氏  
之謂也。贊曰。柳氏節義。狗烈矢志。夫方就殮。赴之不貳。誠信勇  
敢。必死無避。君子美之。以風晚季。

烈婦孫氏傳

宜興 儲大文

殉節孫孺人。山右棲霞李君元含配也。孫出萊陽望族。曾祖揚  
聲公推。鄖揚會山賊跳梁。公守城殉難。義烈聞於天下。越鶴慶  
太守。公復公。候選州司馬鈇公而生氏。氏賦性幽靜。習範端莊。

棲霞縣志

卷九

三

素爲閨閣所推重。年十八適李。亦博邑世。諫公諱唐裔。  
父叅藩公。諱日更。事業文章。並著海內。李君生裁十一而孤。嫡  
母郭夫人撫愛逾於已出。生母姜夫人督課有甚嚴師。篝火雞  
鳴。不少貸憇。賴兩夫人以母道而兼父道。是以李君稟承秋教。  
端方純厚。刻苦精能。學業早有成就。年十五受知督學喀公。甫  
二十拔幟督學徐公。惜賦志益高。攻苦益力。業由此精。而疾亦  
由此兆矣。庚申冬。勞怯遽作。逾月而亡。孫當李奄逝後。舉室哀  
慕。孫獨不淚。意若默有所計者。卽夕跪辭其姑曰。媳旣無子夫。  
幸有兄。媳得死所。不能常侍膝下矣。姑百端勸慰。孫惟忍泪唯



翼晨防少踈。遂投繯以死。邑之紳士。聞諸當事。同為義之。為題請以表其宅。論曰。昔人有言。慷慨赴死易。從容就義難。然則赴死而不失乎義。在丈夫。猶難。况能得諸女子也。若孫當李君既逝。念堂上有伯堪依。膝下無孤可撫。與其未亡以偷生。不若殉亡以同死。迹其忍淚辭姑。整粧延頸。殆慷慨而實從容者也。嗚呼難矣。

烈婦樂氏傳

萊陽趙起檀

乾隆九年甲子十月初四日。棲霞縣烈婦樂氏自縊死。距其夫卒蓋七年。乃其姑之後二日也。繼孫光軾聞於令。令親詣驗。肅棲霞縣志

卷九

音

容禮拜之。按氏庠生寅次女。為庠生郝鴻業繼室。鴻業父朝勳。中丞公晉之從孫也。中丞昆弟四人。其季曰華。生珍一人。珍生朝。佐朝勳朝柱三人。佐柱皆無嗣。鴻業既解兄弟。而素羸善病。負病娶樂氏。氏無出。而鴻業歿。其前室一子曰仕方。鴻業病歿。氏即欲以死殉。顧念舅姑老而孤兒幼弱無依。皆吾未了事。吾敢以死自便乎。於是勉為未亡人。仰事俯育。竭力殫心。姑孫氏性嚴。不以弱孀加恤。而氏委曲承歡。無怨色。舅卒。喪葬如禮。子仕外。就傳擇師教之。每出入衣裳楚楚。儀容修整。邑人目之曰。中丞季弟有後矣。甲子五月姑病痢不能起。性益暴。善怒。氏日



夜侍湯藥不痊。未幾仕疾作。漸至彌留。其死之日。則生之辰也。姑命治饌具。氏泣曰。兒卽死。何慶爲。姑怒強之。乃勉強刀几間。而旋復就。姑旋出視兒。出則哀泣不勝。入在姑側。又不敢不怡。然也。兒將就瞑矣。值氏倉皇自姑所。則息僅屬。猶呼母不忍捨。氏爲之屢慟幾絕。三日不食。矢必死。而姑視息奄奄。轉側需人。乃強食和顏。懇懇侍床褥。以手承穢。未嘗少顰蹙。有呵責。恬然甘之。或舉掌。則以面就。一日泣謂人曰。姑詈我掌我。我無怨。以我爲心變。則所內自傷者。然終不以此有惰容也。議取嗣於中丞之裔。乃支屬繁庶。久不決。而姑亦卒。質之當道。得取中

丞六世孫光軾爲仕後。十日奉姑柩以葬。氏於是默念曰。事了矣。吾今乃可以死。祭墓還。值其姊迎之而哀。蓋度其或從夫地下也。氏曰。姑旣葬。余甚慰。意何哀。爲置宴酌親族之預葬者。已而理器具。歡然爲道家事。若平日。夜三鼓。家人心悸。寢不寧。起視中堂。見孫氏主前燈燭熒煌。香半爇。氏繫頸懸梁間死矣。而髮不亂。面色如生。蓋氏自十九來嬪。三年夫亡。又四年舅卒。又二年子殤。子殤一月而姑始卒。事姑凡九年。侍姑疾凡四。月。卒又二十餘日而葬。而氏卽於葬之二日死。死時年二十一。



資曰。藥氏之行備矣。吾聞其既葬姑也。遣姑婢還其家。其慈惠如是。夫夫死而撫孤以守。貞也。善事舅姑。孝也。擇賢嗣持一意不旁撓。明且果以身殉。烈也。所尤難者。矢必死之志。而隱忍將和敬以事嚴姑。而卒成其不變之操。以遂初願於七年之後。大節細行。毫髮無憾。求之古烈女。亦鮮其匹矣。

牟麟仲家訓序

大學士 陳廷敬  
澤州人

古之學者。莫不有師。至於公卿望族。則相傳自有家法。子與氏所謂樂有賢父兄也。小宛之詩曰。明發不寐。有懷二人。我日斯邁。而月斯征。家庭之間。兄弟相勗。但曰無忝所生。甚矣父兄之

棲霞縣志

卷九

三

教之所繫重也。東海牟氏。代有馴行。而麟仲公能以孝謹世其家。痛大父早世。率先伯氏督課諸季。擬義方之訓。不啻先人之耳提之。而命之。諄覆懷戚。如讀蓼莪之詩。未嘗不爲流涕也。夫一夫之田。蕪穢不治。有苗有莠。八家之井。刈獲不時。有歉有穰。今公兄弟八人。先後卓然成立。譬之保嘉穀於鍼芒。而獲秋成之穎粟。固天之誕降有殊。而芟柞耘耔之辛勤。蓋非旦夕所能責報也。余不識公。而公之昆季兩人。出余門下。今又獲交公之子。農部公述齋循循言動以禮。是能世公家法者。公雖不顯於時。讀其與縣令諸書。乞除過撥歇地之累。言利病爲最悉。棲霞



人陰受其福而不知也。則公固已施於政矣。經曰：惟孝友於兄弟，施于有政，是亦爲政。由是言之，是編也。豈直牟氏之家法哉。與凡爲人子爲人弟及司牧者告，固善天下而有餘也。是爲序。

送邑侯李公歸粵西序

林仲懋

公粵西大儒。小試山城。甫下車。潔已愛民。頌聲達於四境。時庚申秋八月也。余閉戶養病。謝棄人間事。未能詣琴堂親炙丰采。每於隣叟口中。得公美政縷縷。壬戌夏五。俄有告余曰：李侯罷官矣。先是有邪教自西南起者。始猶藏形匿影。夜聚曉散。迨酉戌之間。黨衆勢張。逼良民。良民患之。公曰：滋蔓難圖。不如早爲

之所。雖然。吾不忍不教而殺也。但肯悔過者。皆吾良民。怙終無赦。三令而五申之。惟有閔不畏死之會首一人。刑訊斃厥命。一時邪教膽寒。良民安堵。而公則由是去官矣。公切於爲民。而踈于自全。卒以不報受過。可勝惜哉。公解組後。從容偕令子訪余山中。余具盤餐。相與飲。驩若平生。時亦就公飲。館舍相過。從無虛日。或信宿而後去。公耽遊山水。以故精堪輿學。余請卜塋兆。得善地于村之東偏。公手爲記。且令勒之石。曰：他日徵吾言之不謬也。余出所註南華離騷就正。公擊節歎賞。謂前人所未發。公深於詩律。好吟咏。每一詩成。必見示。余雖不工詩。而誦公



佳句。津津不能去于口。公恨與余相見晚。余亦悔不早從公遊也。且余與公盤桓久。察其意無罷官恨。公自此遠矣。欲富貴者不足語功名。志功名者不足語道德。公除邪以安民。祇自出其道德之緒餘。盡當官之職分。成敗利鈍。不概于心已。非大賢以上而能之乎。公之去也。行李蕭條。囊無一錢。百姓饋餼糧。垂涕泣而走相送者以千百數。此謂民之不能忘也。公雖罷官。歸有餘榮矣。惟是公與余文章知己。萬里分手。彼此暮年。度不能作山陰訪戴之遊。自今太虛爲室。明月爲燭。與君共處之日。皆與公相思之日。公其何以教我耶。某日月勉隨紳士後。祖道于郊。聊書數言以別。

棲霞縣志

卷九

三

壽節孝范母崔孺人序

林仲懿

邑范子維翰。母崔氏以節孝著。垂五十年。歲甲子。有司以上聞。命發金建坊旌其門。其明年二月。孺人壽七。表有六。邑人士僉謀稱觥以祝。而屬言於余。余以素善維翰。不得辭。然不敢以浮誕之詞。壽孺人也。則請因諸君子。而得聞孺人令德之詳。臚列以垂不朽。其可乎。僉曰。孺人生七年而喪厥考。哭泣不食。幾至殞生。當時已覘至性過人。年十五。歸范君。相夫有桓孟風。閱五載而范君歿。時雙親在堂。年俱耆。維翰甫四齡。孺人毅然以奉



親撫孤爲己任。椎髻操作。荆布自甘。嚴性若冰霜。笑謔之聲。不聞庭除。平生不與再醮婦人言。惡其從一不終。故不啻掩鼻過之。此孺人之節也。奉盤匱。問寒燠。紉箴必綴。滌盥必滑。以承舅姑歡。舅姑晚年。遭痰疾數年不起。孺人日夜調護。至廢寢食。舅姑憐之。每顧而泣曰。數年有汝。吾不知吾子之亡也。其送終也。皆如禮。哀毀動人。見者至爲之垂涕。此孺人之孝也。教子若父。師勗以忠孝廉節。無忝所生。以故維翰優於文。行負遠器。又以暇日治岐黃術。多活人。嘗却報不受。家孫子達承氏教。力學工文。鬚年遊泮水。曾孫八人。皆瑤環瑜珥。此太君之慈也。其他細

行難以枚數。余聞而肅然敬。喟然歎曰。人之生也。期於壽。壽非善期之謂。而令名不朽之謂。古今立德立言。可爲羽儀樹風聲者。求之鬚眉。代不數人。况閭閻乎。孺人節孝慈廉。綱常是荷。豈徒作範壺闈。亦足以媿鬚眉而不丈夫者已。惜乎余言不足爲孺人重。而孺人亦不藉余言以重也。聊述所聞。爲霞觴一佐云。

林山甫南華本義序

登萊  
青道 沈廷芳

余蒞左海。卽行部登州。至棲霞。覽其山水秀折。蔚然爲一郡冠。低徊久之。意必有隱君子。其人汲古先老於撰著。爲山川增色者。亟訪之。得山甫林先生所注南華經。其旨以漆園寓言。皆與



四子書相表裏。從前一切窈冥離幻之說。盡掃而空之。命之曰本義。見漆園之本義也。夫南華稱文章絕境。觀其命意置詞。迥異凡近。具此才識。詎肯以浮空譎詭。自外於聖賢。或以周末聖道不明。難以口舌爭。不得已而以隱語發之。庶不爲當時詬病。以待後之識者。而不覺近於滑稽者流耳。自郭向王弼輩。務爲清言。取其可以資談柄。乃以己意轉相唐突。使漆園本義。竟如烏有子虛。驚駭耳目。而讀其文者。遂斥爲好怪。比之異端紛然雜出。蓋其義法昧已久矣。善夫坡老之言曰。以爲愛公子之法。則不可。以爲非愛公子。亦不可。爲形容盡致。褒刺得體。卽起漆

棲霞縣志

卷九

三

園於九京。亦應俯首。今山甫後坡老數百年。能以坡老意讀莊子。卽以坡老意解莊子。且能使坡老所未及詳者。條分縷晰。更無穿鑿痕。而漆園不倍聖道之意。彰彰天下。後之學莊子者。亦可以與經義互參。不徒喜其文法之宕逸。則有功於漆園爲何如耶。山甫以孝廉宰銅陵。不久投牒歸著述等。身不與外事。其識見高遠。故能挾古人之微。於千載之上。子掌綸文學亦儒雅能世其家。頃來索序。因爲發其注莊本意。且以見山川之靈蘊靡涯也。

中憲大夫鶴慶府知府林公墓表

天水 胡纘宗



憲大大雲南鶴慶軍民府知府林公。年七十有一。以嘉靖甲申十一月二十有七日卒。明年乙酉四月二十日葬夏宅山之陽。其子翰邦衰經。徒跣走千里抵吳。請爲公表其墓於蘇州守。胡纘宗曰。先公遊宦。亘南北萬里。交天下賢豪長者多。然獨於先生向往焉。不肖與先兄翰傑。幸執業爲弟子。揭德振華。以永我先公之功烈。俾我後之人奉以弗墜。非先生則誰文者。纘宗曰。余忝翰林時與爾父游。爾以舊父命師我。今十有八年於茲矣。不可謂不故。余何能辭。公諱恂。字宗魯。東牟棲霞人也。曾大父某。大父瑄。父茂。母紀氏。公生十九年。爲成化甲午。領山東鄉

薦。治甲寅。選貳南陽府。南陽多巖田。贍腴。而民習偷梗。至負大司農粟芻四十萬。共河韓公。撫河南。委以督部。公精奮嚴約。痛剔垢弊。不數月而最。當道刻公爲能吏。丙辰丁父憂。已未服闋。改貳大同府。大同邊朔要害。公至數值韃靼內侵。巡臺數委之公。公則廉厲情。調軍儲。築屯堡。蚤夜不遺力。用是相有厥績。者論功於朝。有文綺之錫。銜命憲臣。自都御史以下。旌獎凡八疏。以績擢守鶴慶府。其俗很剛。巖訟。古稱難。而公師以禮法。不鄙夷其民。民化新。川雲之交。土夷相讎殺。叛擾當道。輒檄公治之。人以爲危。公曰。豈古所謂盤根錯節者耶。單騎突入其



學。而宣威德。用命不用命。福禍蠻人感賦。境以帖寧。按使者列  
上其事。居無何。以微疾乞身歸。歸日與舊故陳琴瑟觴俎。談道  
義爲樂。生平慕學問所在。焚香讀書。以儒飾治。頗尚儉素。飲享  
筭無腆。與人坦易。易從。孝友嚴恕。訓子孫以力田孝弟。業舉各  
有條法。生景泰丙子六月五日。配于繼楊。子男三人。翰。鄉內黃  
丞。翰傑諸生。先卒。翰。邦。壬午舉人。女二人。孫男二人。女四人。曾  
孫男三人。維公精幹勤朴。操利握銳。斬割中奏。稱史才焉。未罄  
厥施。而韜其餘以歿。委祉不匱。尚有遺於後之人哉。尚有遺於  
後之人哉。余故表而示之。

棲霞縣志

卷九

麟仲牟公墓表

大學士  
沁州人 吳 璵

登州棲霞。有君子儒焉。牟其姓。作孚其名。號麟仲。績學力行。爲  
善於鄉。顧數奇不遇。齋志以歿。歿而更一紀。其子恒舉進士。官  
內閣中書。未幾逢 覃恩。贈麟仲如恒官。甲申秋。恒持大宗伯  
長洲韓公所爲麟公傳。謁余而請曰。吾先人之葬已久。未有刻  
文。莫由光泉壤。示子孫。敢丐夫子一言表墓道。用垂不朽。恒余  
年家子也。又晨夕上下共事將七載。揆義不可辭。按牟氏系出  
楚之公安。其始祖敬祖來仕於棲。因家焉。閱數傳。洎麟仲之父  
登。以明經授雷化訓導。有丈夫子八鳳。伯居其長。麟仲其二也。



方弱冠。父母俱卽世。備歷艱辛。痛厥弟幼愿。弗逮趨庭。懼無以  
紹先業。爰擬親命以命已。及諸弟。其意懇以懇。其詞婉而肅。冀  
當感動。益自刻苦以有成。庶慰親於地下也。諸弟各受教。惟謹。  
以次採芹食餼。名噪黌序。其季弟國瓚。於戊辰捷南宮。辛未成  
進士。與其伯兄壬戌進士國玠。後先輝映。棲人美李氏家世者。  
咸嘖嘖稱羨。仲孝友不置云。麟仲少魁岸。負氣節。昂然若鶴立。  
鷄羣。見者莫不聳異常。鍵戶誦讀。爲文高邁。屢試輒前茅。或動  
以私利。則退怯遠避。如懦夫。顧勇於爲義。邑有大利害。卽侃侃  
白諸有司。前後爲何。令吳令所器重。每折節咨訪。督學使者。按  
樓霞縣志

卷九

三

部舉行優。有司兩以麟仲應。士論允服焉。久困棘闈。下帷攻苦  
仍自若。推其所以教弟者。教子。一明內昆季子姓。熙熙然有絃  
誦之樂。有簪組之榮。宜其臻大耋。享期頤。以彰天道之報施。豈  
人。夫何得年五十。而掩嗔忽殤。豈理可必。而數不可必耶。抑天  
之報施。不於其身。於其身後耶。昔歐陽文忠公。有言士之爲善  
者。雖湮沒幽鬱。其潛德隱行。必有時而發。而遲速顯晦。在其子  
孫。恒也。取高第而職西清。其前此矣。方今

天子以孝治天下。所以褒寵勸勵臣子之意。靡不隆且厚。恒尚  
哉。夙夜匪懈。卓然自樹立。用副無忝所生之訓。人將謂棲



...仲平公。於是乎不朽。則夫顯揚烜赫其親者。正未有艾也。姑表諸阡以俟之。

祭韓孺人殉烈文

名 關

嗚。惟棲之邑。乘所載節烈名姝。如磷震石丹。魄映棟白。姊姒繼殉。誓帶猶生。到今無不心日碧昭。而現墨青垂者也。足嗣徽音。惟我翁母。簡直而貞固。沉靜而敦慈。以順為正者。每相成以慈。以慈為愛者。恒相督以勞。行不喜名。故無非亦無議。事不欲後。故不張亦不弛。嗚呼。以此道生。何戾不殄。以此道死。何慘不若。是以賊逼勢迫。罵罵激怒。思得一割。及以為愉快。嗚呼。焚燬公。

棲霞縣志

卷九

三

駿陰。烈光焉披。刑毀矣委土。氣峙乎瞻岳。雖前此之血濺楹。磚名高楓嶺。不云有多上也。某籍附稱家。誼關視子。愛我翁母之生。與其烈母寧良也。愛我翁母之名。與其汶汶寧烈烈也。識之邑乘。棲之光也多矣。

尊經閣

元翰林 張啟嚴

惟人與物。同具此形。物得其氣之偏。人得其氣之靈。曰靈伊何。萬善是生。一善所見之或蔽。則私欲馳騁而無極。聖人出而是正。敷天倫之叙。昭垂乎六經。所以為百王之觀法。為萬世之儀。張公尹茲山城。構傑閣於泮水。揭尊經以為名。考其命。



名之本意。信乎見道遠而燭理明。想其文化流行。洽於民情。禮讓之風以興。絃歌之音日聽。力行乎正途而不倦。心醇乎至理而不醒。日新又新之不已。可不謂明德之維馨。若然則公之化斯民也。庶幾三年之有成。彼有衍智能之末技。聚黃金而滿籛。斷喪本心之至善。能不抱愧而過斯庭。噫。地開偃月。樓高摘星。在一時爲觀美。曾不知遺千載之餘腥。金山可傾。閣不可傾。金山可平。其不可平。壯吾道之元氣。至萬世而崢嶸。青青子衿。於焉研精。來遊來歌。請觀斯銘。

長春真人道行之銘

元翰林  
學士王之綱

棲霞縣志

卷九

四

扶桑賓日東海東。三山直與蓬萊通。羣仙來往乎其中。長春仙人道業隆。世出不與羣仙同。雲衢矯矯如遊龍。倏爾遷造崑崙峯。重陽一見禮貌恭。付與真訣開愚矇。潛德上聞達帝聰。安車就崇尊崇。慶會千載不易逢。萬里入覲天九重。敷陳至道皆由衷。然參化育存神功。帝謂天錫吾仙翁。一時寵眷恩數濃。王意覆護猶旃幪。浩然而歸何匆匆。奔走請謁來王公。天長八尺廢宮。清明肇起元教宗。無心橐籥猶守中。殆非人力由天。方學者如雲從。智愚賢否皆陶鎔。藩籬那肯分渠儂。雷轟霹靂虛空。山摧澤涸頂毒內。世緣八十談笑中。後人洞。



縣。縣若存。人益豐。瑤草藥笈。今擴充。故山之陽。白雲封。有時猿  
鶴悲秋風。亭亭貞石。新磨礮。樹之祠。傍伴岩松。松枯石爛。海水  
紅。仙名不朽。垂無窮。